

सम्पादकीय

सम्पदाप्रेमीपिनिगु
दबाबया लिच्चः

यँया ऐतिहासिक पुखू न्हूपुखूया पुनःनिर्माण क्वचाःगु हे दु धाःसां पाइमखु । म्हिगः न्हूपुखूया दथुइ दय्केगु बालगोपालेश्वर देगलय् गजू तय्गु ज्या जुल । थ्व लिपा अनौपचारिककथं देगःलिसें न्हूपुखूया पुनःनिर्माणया ज्या क्वचाःगु दुसा थुनिया औपचारिककथं उलेज्या जक याय् ल्यंदनि ।

वि.सं. २०७२सालया विनाशकारी भुखाचं लिच्चः लाकूगु न्हूपुखूया थुगु देगःया पुनःनिर्माणया ज्या न्ह्याकेगु नितिं राष्ट्रपति विद्यादेवी भण्डारीं भूकम्प दिवस अर्थात माघ २गते, २०७२ सालय् शिलान्यास यानादीगु खःसा ताःईया विवाद लिपा न्हूपुखूया पुनःनिर्माण क्वचाःगु खः ।

न्हूपुखूया पुनःनिर्माणया जिम्मा काःगु यँ महानगरपालिकां शुरुइ काँक्रेट छ्यलेगु ज्या जुल । सम्पदाय् सिमेन्ट व नँया डण्डि छ्यःगुलिं छछाखेरं विरोध जूगु खः । थुनियात कयाः युनेस्को तं विरोध प्वंकूगु खः । थुगु विवादयात कयाः महानगरपालिकां पुरातत्व विभागया पुलांम्ह महानिर्देशक विष्णुराज कार्कीया संयोजकत्वय् छगू विज्ञ पुचः दय्केगु ज्या जूगु खःसा उगु पुचलं ग्रन्थकुट शैलीइ बालगोपालेश्वर देगः दय्केत सिफारिस याःगु खः । तर थुनियात कयाः शुरुइ पुरातत्व विभाग व यँ महानगरपालिकां स्वीकार मयाःगु खःसां सम्पदाप्रेमी व विज्ञतय्गु पुचःया दबाब व आन्दोलनं मल्लकालीन शैलीइ हे देगः पुनःनिर्माण याय्त बाध्य जुल । थौकन्हय् खनेदुगु देगः ग्रन्थकुट शैलीया खः ।

खय्त ला पर्सियाया राजकुमार वाल्डेमरं सन् १८४५या फेब्रुअरी/मार्चया इलय् नेपाः भ्रमण यानादीम्ह पर्सियाया राजकुमार वाल्डेमरं थःगु यात्रा संस्मरणय् न्हूपुखूया किपाः नं दुथ्याकातःगु खःसा उकिया हे लिधंसाय् न्हूपुखुली ग्रन्थकुट शैलीया देगः दय्केगु ज्या जूगु खः । प्रताप मल्लया इलय् दय्कूगु ग्रन्थकुट शैलीया देगः थीथी इलय् भुखाचं क्षतिग्रस्त जुइवं गुम्बज शैलीइ निर्माण याःगु खः । तर २०७२ सालया विनाशकारी भुखाचं देगलय् लिच्चः लाकेवं आः हाकनं न्हापाया हे शैली अर्थात ग्रन्थकुट शैलीइ देगः दय्केत ताःलाःगु खः ।

देगः न्हापाया स्वरूपय् दय्केगु नितिं सम्बन्धित पक्ष विशेष यानाः पुरातत्व विभाग व यँ महानगरपालिका हे विपक्षय् खनेदुसां अन्तय् सम्पदाप्रेमीपिनिगु विशेष कुतः व निरन्तर विरोध (आन्दोलन तंकां याय्गु ख्याच्चः बियाः विरोधया ज्याइवः याःगु खः ।)या हुनिं थुगु स्वरूपय् निर्माण जूगु खः धाःसां पाइमखु । थुगु स्वरूपय् बीगु लिसें याकनं न्हूपुखूया पुनःनिर्माणया ज्या याकनं क्वचाय्केत थीथी विरोध जूगुलिं पुनःनिर्माणया ज्याय् लिच्चः लाःगु खः । छगू इलय् थुगु पुखू दय्केज्या हे जुइमखु ला धइगु तंकां आशांका ब्वलंगु खः । अन्तय् न्हूपुखुलिं न्हूगु हे संरचना प्राप्त जूगु दु, अर्थात मल्ल कालय् दय्कूगु शैलीं हे देगः दय्केत ताःलाःगु दु । थुगु स्वरूपय् तंकां थ्यंकेगु नितिं न्हूपुखू व देगःया पुनःनिर्माणय् ज्या सनाच्चंगु थीथी निकायया नापनापं सम्पदाप्रेमीपिनिगु नं उतिकं हे योगदान दु धाःसां पाइमखु ।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिकपिसं छ्वयादीगुयात थुगु वाःपतिइ थाय् बियाच्चना । पिदंगु च्वसुयात उचित पारिश्रमिक बीगु नं सुचं बियाच्चना ।

लहना वाःपौ

भोछें, यँ

lahana.news@gmail.com

कोरोना नियन्त्रण हाथ्याय् सुनां
पूर्वकल जिम्मेवारी

दल वा दलीय कार्यकर्तातय् सरकारयात असफल क्यनेत स्वयंय् स्वार्थय् थःपिनिगु, थः परिवार, समाजया स्वास्थ्य हे जोखिमय् लाय्फुगु खं त्वःमंमंके । बहादुर जुइगु नामय् मुखं जुइगु ज्या मयाय् ।



बिराजकाजी राजोपाध्याय

सरकारया धापू :

- आः सरकारं संक्रमित सकसितं वासः याय् फइमखुत, सकसिगु परिक्षण याके फइमखुत ।
- लक्षण खनेमदय्कं परिक्षण याय्म्वाः, जुइमखु ।
- पिने जिल्ला वःपिन्त पिसिआर परिक्षण मयाकं छैय् दुकाय्मखु धकाः घरपतिं दवाव बी दइमखु ।
- आइसोलेनय् च्वनाच्चपिं संक्रमितयात फिन्हु धुंकाः परिक्षण याय्गु, पोर्जेटिभ हे वःसां फिन्प्यन्हु धुंकाः परिक्षण हे मयाःसे डिस्चार्ज याय्गु ।
- लक्षण खनेमदुपिं संक्रमितयात लिपा परिक्षण हे याय्म्वाः ।

आम नागरिकया धापू :

- जात्रा याय् दय्माल, मखुसा आन्दोलन याय् ।
- कुलमानयात हाकनं नियुक्ति या, मखुसा आन्दोलन याय् ।
- पशुपति चाय्कि, मखुसा आन्दोलन याय् ।
- डा. गोविन्द केसीया माग पूर्वीक, मखुसा आन्दोलन याय् ।
- जिमि नेता अपहरण याःपिन्त कारवाही या, मखुसा आन्दोलन याय् ।

थौकन्हय् अवस्था थ्व हे खः, सरकारया खँ ल्हा अथवा आम सर्वसाधारणया, थौकन्हय् थ्वयाच्चंगु, ताय्दयाच्चंगु सः थज्याःगु हे खः । न्ह्यथना धाःसा सरकारपाखे नं आम नागरिक वा जनतापाखे नं अभं यक्व खँतं दनि, गुगु संक्रमण नियन्त्रण याय्माःगु स्थितीइ प्रतिकुल खनेदु, संक्रमण अप्वय्कीगु कथंया खनेदु ।

सरकारयापाखे संक्रमण नियन्त्रण व रोकथामया सवालय् खँ ल्हाय्गु खःसा हँ हँ याय्त स्वः थें खनेदइ, हँ याय्त्वं थें खनेदइ तर प्रभावकारी रुपं खास हे हँ जूगु दु धाय्फइगु अवस्था द हे मदु । आः वयाः ला हेक जिम्मेवारी लिचिला हे वंगु खनेदयाच्चंगु दु । फ्याफतले परिक्षण हे मयाय्गु मनस्थितीइ सरकार खनेदु । परिक्षणया मापदण्डयात थुलि क्वातुकाय्कूगु दु कि थन संक्रमण जुइधुकूह मनुखं तंकां थःगु परिक्षण याय्खनीगु अवस्था मदु । संक्रमणं तच्चःगु रुप कयाः लासाय् ग्वःतुल कि तिनि बल्ल सरकारं परिक्षण यानाबीगु स्थिती वःगु दु । आःया परिस्थिती स्वयंबल्य् सरकारं ला संक्रमण नियन्त्रण याय्गु बिचाः तंकां नं यानाच्चंगु दुला मदुला धइथें जुइधुकल । आः आपाः धइथें मनुतय् धापू छगू हे जुइधुकल, 'थ्व सरकारं ल्हाः ल्हवनेधुंकल, आः थ्व संक्रमण नियन्त्रणपाखे हँ हे याय्फइमखुत ।'

आः थज्याःगु अवस्थाय् आम नागरिक धाय् वा जनताया पहःचहः स्वल धाःसा नं जिम्मेवार धाय्फइगु अवस्था मदु । संक्रमण नियन्त्रण याय्त दक्कले जिम्मेवार धइगु सरकार हे खः । सरकारपाखे हँ मज्गु वा प्रभावकारी ज्या याय् फयाच्चंगु अवस्थाय् सरकारयात ध्याय्गु

जक मखु, सरकारं याय्त्वंगु बांलाःगु ज्याय् माःकथं ग्वाहालि याय्त नं आम सर्वसाधारण न्ह्यचिलेमाःगु खः । तर अवस्था अःखः जुयाच्चंगु खनेदु । आः समाजय् जुयाच्चंगु गतिविधि स्वयं बल्य् ला संक्रमण अप्वय्केगुपाखे हे वनाच्चंगु खःला धइथें च्वं । भीडभाग याय्त बिचाः याय् माःगु, हुल मुने, मुंकेमज्जु आःया अवस्थाय् थन त्वहः मदु त्वहः तयाः न्हिं न्हिं हे धइथें आन्दोलनत जुया हे च्वंगु दु । अले व हे त्वहलय् जुलुस याय् ज्यू जात्रा याय्मज्यू ला, आन्दोलन याय्ज्यू, पशुपति चाय्केमज्यूला धाधां मेगु आन्दोलनया खँ वयाच्चंगु दु । सरकारं संक्रमण नियन्त्रण मयाः धकाः दोष बीपिन्सं हे थन संक्रमण न्यंकेत ग्वाहालि जुइगु ज्याखँतं यानाच्चंगु खनेदु । सरकारं संक्रमण नियन्त्रणय् हँ याय्मफूगु अवस्थाय् समाज थः हे जानाः नियन्त्रणया नितिं ल्हवनेफइगु पलाः ल्हवनेगु ला गन खः गन, भन भीडभाग अप्वय्केगु, मनुत मुनीगु ज्याखँतं थन धमाधम अप्वयाच्चंगु दु ।

बांलाःगु पिहांवय्फु । मेगु न्ह्यागु धाःसां आःया अवस्थाय् संक्रमण न्हियान्हिथं धमाधम न्यनाच्चंगु दु अले वपौतक्क ल्वय्लिसे संघर्ष यानाच्चपिं दीर्घल्वगित कोरोना संक्रमणं कय्वं सिना नं च्वंगु दु । आः थज्याःगु अवस्थाय् चिचीधिकःपिं मचात, ज्याथःजिथि अले दीर्घल्वगितय्गु नितिं स्वस्थ मनुखं नं सतर्कता नालेमाः धकाः सचेतना हय्गु गन खः गन, फेसबुक विशेषज्ञपिन्सं साधारण मनुखं थ्व संक्रमण खनाः ग्याय्म्वाः धकाः फैसला न्यंकाबीधुकल ।

फेसबुकय् वइगु हास्यास्पद खँतं आपालं दु । न्हापां संक्रमितया ल्याः अप्वः थहांवनाच्चंगु इलय् फेसबुकय् सरकारं सकसितं ख्याय्त जक संक्रमितया ल्याः थक्या क्यनाच्चंगु धाःपिं उलि हे खनेदत । वयां लिपा संक्रमण लीपिनिगु ल्याः नं अप्वयावन । हाकनं मोहनि, स्वनि न्याय्केत लीपिनिगु ल्याः तःधंकाः क्यनाच्चंगु धाःपिं नं अप्वयावल । थ्व हे खँय् जात्रापात्राया खँ नं स्वाः वः । जात्रा न्याय्केमाः धाःपिन्सं नेवाःतय्गु जात्रा,

कोरोना संक्रमण जूपिं वा जुइधुंकाः लंकावःपिन्सं थुनिया अनुभव कनाच्चंगु दु, थुनियात ख्याः कथं मकाय् धयाच्चंगु दु । ख्याः कथं मकाय् धयाकथं ग्याना हे जुइगु अवस्था नं मखु, मात्र सतर्क जुइगु खं खः ।

समाजपाखे छेवें थुकथंया ज्याखँ जुयाच्चन सा सरकार हँ हे मयाः धकाः सरकारयात दोष बियाः थः लिचिलेगु ज्या नं जुयाच्चंगु दु । हाकनं मेहे समाजय् त्रास ब्वलंकेगु, नकारात्मक लकस सिर्जना याय्गु ज्या नं समाजपाखे हे जुयाच्चन । विशेष यानाः सामाजिक संजालपाखे सहलह स्वयां नकारात्मकतां जाःगु दोषारोपण अले विशेषज्ञया खँयात खण्डनयानाः फेसबुक विशेषज्ञ जुयाच्चपिन्सं संक्रमण अवस्थायात भन तच्चय् केगुपाखे तिबः बीगु ज्या यानाच्चंगु थें ताः । अले हाकनं फेसबुकपाखे जुयाच्चंगु थज्याःगु सकतां ज्याखँया दोष धाःसा व हे फेसबुक विशेषज्ञपिन्सं संचारमाध्यम अले पत्रकारतय् बीगु यानाच्चन ।

कोरोना संक्रमण जूपिं वा जुइधुंकाः लंकावःपिन्सं थुनिया अनुभव कनाच्चंगु दु, थुनियात ख्याः कथं मकाय् धयाच्चंगु दु । ख्याः कथं मकाय् धयाकथं ग्याना हे जुइगु अवस्था नं मखु, मात्र सतर्क जुइगु खं खः । तर गुलिसिगु नितिं सतर्क जुइगु धइगु ग्यानाजुइगु जुयाच्चन । सतर्क जुइगु खँ ल्हातकि ग्यानाजुइमज्यू धकाः थःगु बहादुरी क्यनीपिं उलि हे अप्वयाच्चंगु दु । थुलितक्क कि कोरोना महामारीयात विश्व स्वास्थ्य संगठनं न्यंकूगु छगू भ्रम जक खः धासें संक्रमित जूपिं दक्वं विश्व स्वास्थ्य संगठनया एजेन्ट जक खः धकाः तंकां धयाच्चपिं फेसबुक विशेषज्ञत तंकां खनेदत । संक्रमण जुयाः, संक्रमणया कारणं थःगु डैजः मदय्काः च्वनाच्चनेमाःपिं, दुःख सियाच्चपिन्त घालय् चिमल्ता हाः याय्मालीतिनि ला थुलि धाय्धुंकाः ।

कोरोना महामारीया अवस्था नेपालय् जक दुगु मखु, हलिन्यंक थुगु महामारी सकसितं आक्रान्त यानातःगु अवस्था दु । वैज्ञानिकत चाहि थुनिया अनुसन्धानय् जानाच्चंगु दु । तर थःगु फेसबुक विशेषज्ञतय्सं नि कोरोना महामारीयात अफवाह, योजनावद्ध व्यापार आदि धकाः थःथःगु वालय् प्रमाणित हे याय्धुकल । थ्व भाइरस सकली खः वा नक्कली, थ्व भाइरस मानव निर्मित खः कि प्राकृतिक, थ्व बहस हलिन्यंक हे जुयाच्चंगु दु । थुनिया बारे फेसबुक विशेषज्ञं स्वयां धातैथ्या विशेषज्ञं हे अनुसन्धान याःसा लिच्चः

तजिलजि न्हंकेत जक सरकारं थ्व महामारीया नाटक यानाच्चन धाल । दक्कले न्हापां ला थ्व हे हास्यास्पद खँ जुल । चीनया वुहान शहरं पिहांवःगु अले हलिन्यंक न्यनाच्चंगु महामारी धइगु नेवाःतय्गु तजिलजि जक लक्षित खत ला ? अले हाकनं मेता खँ स्वल धाःसा जात्रा धुंकाः संक्रमितया ल्याः थहांवःसा जात्रा न्याय् काः संक्रमण न्यन धकाः क्यनेत जक नाटक यात धाईपिं नं उलि हे । उकिया नापं जात्रा न्याय्काः संक्रमण दय् हँ पातला, थ्व भीत ख्याय्त नाटक जक याःगु धाईपिं नं उलि हे । न्ह्यातथेजाःगु खँ जुइमाः, फेसबुकय् सचेतताया नितिं सहि सूचना सम्प्रेषण याय्गु स्वयां थःगु विद्वता ब्वईपिं जक अप्वयाच्चंगु खनेदु ।

थज्याःगु आपालं नकारात्मक खँतं फेसबुकया माध्यमं जुयाच्चंगु दु । थज्याःगु आपालं अफवाहत फेसबुकया माध्यमं न्यनाच्चंगु दु । मेपिन्त दोष बीगु जक मखु, आत्मसमीक्षा नं आवश्यक जू । थ्व महामारी ख हे मखु, सरकारं न्यंकूगु महाआतंक जक खः धकाः हालाजूपिं क्रान्तिकारीतय् ल्यू ल्यू वने न्ह्यः अज्याःपिं क्रान्तिकारीत हे पिपिई फिनाः, फेसिलिड तथाः, मास्क तथाः जुयाच्चंगु खँयं न्धान बीमाः । सुरक्षा सावधानी नालाकाःगु बांमलाःगु ला पक्कां मखुत, तर थम्ह धाःसा फक्क तक्क सुरक्षा उपाय नालाः मेपिन्त ह्वाय्गु ज्या यानाजूगु खँय् ध्यान बीमाः । सकलें ग्यानाः हे जुइमाः, पिहां हे वय्मज्यू धइगु खँ मखु । तर फक्क सुरक्षा नालाः, ग्वाय्कं ग्वाय् कं पिहां मजुयाः भीडभाड मजुइकेगुपाखे तिबः बीमाःगु आःया आवश्यकता खः । थःगु व्यापार, व्यवसाय लिसें नोकी शुच्यःगु आयमूलक ज्यायात न्ह्याका हे तय्माल । उकिया नितिं फक्क सुरक्षा सतर्कता नालाः न्हियान्हिथंया ज्याखँ न्ह्याकाच्चेनेगु वातावरण दय्का तय्माल । चाःहिलेगु, न्ह्यइपुकेगु नितिं हथाय् चाय्गु, दल वा दलीय कार्यकर्तातय् सरकारयात असफल क्यनेत स्वयंय् थुच्यःगुचिचीधंगु स्वार्थय् तक्कनाच्चैतल्ले थःपिनिगु, थः परिवार, समाजया स्वास्थ्य हे जोखिमय् लाय्फुगु खँ त्वःमंमंके । बहादुर जुइगु नामय् मुखं जुइगु ज्या मयाय् ।





रानी पुखू

क्रिपा : रमेश शाक्य

असहज परिस्थितिइ न्ह्यात आइपीएल

सन् २००८य् न्हापांखुसी ग्वसा: ग्व:गु
आइपीएल न्हापा छक्व: नं भारतपिने जूगु
इतिहास दु । सन् २००९य् आइपीएल
दक्षिण अफ्रिकाय् जूगु ख: ।



प्रजीत शाक्य

हलियां दकलय् तःमिगु क्रिकेट धेधेबल्ला इण्डियन प्रिमियर लिग (आइपीएल) सुरु जूगु छवा: जुइधुकल । हलियां नांजा:पिं क्रिकेटरतय्सं म्हितीगु अले बलिउड स्टारतय्गु उपस्थिति दइगु जक मखु, चियरलिडर व संगीतया हुनिं नं आइपीएल यक्व हे ता:ला:गु टि-२० धेधेबल्ला ख: । थुगुसि धा:सा आइपीएल न्हापाया संस्करणय् थें तडकभडक मदु । थुगुसि उद्घाटन समारोह नं मजुल । आइपीएल टेलिभिजन इभेन्ट याय्गु धारणालिसें न्ह्या:गु ख: । १३क्व:गु संस्करण अथे हे जूगु दु । कोरोना भाइरस महामारीया याना: थुगुसि आइपीएल टेलिभिजन स्वकुमितय्गु निरितिं जक जुयाचवंगु दु । आइपीएल स्वकुमि दुमथ्याकूसे रङ्गशालाय् जुयाचवंगु दु । अफ्र भारतय् जुइगु आइपीएल थुगुसी कोभिड-१९ महामारीं याना: सयुक्त अरब इमिरेट्सया दुवई व शारजाहस याय्माल । सन् २००८य् न्हापांखुसी ग्वसा: ग्व:गु आइपीएल न्हापा छक्व: नं भारतपिने जूगु इतिहास दु । सन् २००९य् आइपीएल दक्षिण अफ्रिकाय् जूगु ख: ।

आइपीएल खुला लिबाक्क जूगु ख: । आइपीएल जुइगु मिति मार्च २९ तारिखय्

क्व:छयूगु ख:सां कोरोना भाइरसया महामारीया हुनिं त:क्व:मछिथ्व धेधेबल्ला स्थगित जुल । भारतय् कोरोना संक्रमित अप्वया वलिसे आइपीएल जुइगु आसा हे म्हो जुल । अथे ख:सां हलियां फुक्क क्रिकेटरतय्सं आइपीएल जुइमागु स: तल । अथे हे, आइपीएल रद्द जुल धा:सा भारतीय क्रिकेट बोर्ड व क्रिकेट पुच:पिन्सं बांमलाक्क आर्थिक खति फय्मालिगु जुल । आइपीएल भारतीय अर्थतन्त्रय् ११ बिलियन डलर आर्जन जुइगु अनुमान या:गु दु । उकिं याना: नं असहज परिस्थितिइ नं आइपीएल सुरु जूगु ख: ।

बायो बबलया चर्चा

कोरोना महामारीया इलय् आइपीएल याय्गु चानचुन खँ धा:सा मखु । उकिं आइपीएलया च्यागू हे पुच:या कासामि, अफिसियल व टिम स्टाफयात कडा सतर्कतालिसें बायो बबलय् तयात:गु दु । बायो बबल धइगु थीथी मापदण्डय् च्वनेमा:गु छगू वातावरण ख: । कासामि, कोच, अफिसियल, टिम स्टाफतय्सं बायो बबलय् दुहाँ वने न्ह्य: कोरोना परिक्षण याय्मा: । कोरोना जाँच नेगेटिभ वल धा:सा जक इपिं बायो बबलय् दुहाँ वनेफइ । अले आइपीएलय् सहभागीतय्सं थीथी मापदण्ड पालना याय्मा: । इमित बायो बबल पिनेया वातावरणय् वनेत वर्जित यानात:गु दु । कासामि, कोच, अफिसियल, टिम स्टाफतय् होटल व रङ्गशालाबाहेक मेथाय् वनेमदु । बायो बबल पिनेया मनूत नापलाय्गु अनुमति नं मदु । गेम मदुबलय् मास्क व सोसल डिस्ट्यान्स अनिवार्य यानात:गु दु । थ्व प्राटोकल नाला मकाल धा:सा कासामितय्गु कारवाही याय्गु ख्याचव: नं बियात:गु दु ।

सन्दीप बेञ्चय्


नेपा:या स्टार लेग स्पीनर सन्दीप लामिछाने नं आइपीएलय् म्हितेत दुबईस दु । सन्दीपया पुच: दिल्ली क्यापिटल्स ख: । निदैं न्ह्य: दिल्ली सन्दीपयात २० गूलख भारतीय रुपिया पुला: थ:गु टिमय् आबद्ध या:गु ख: । व सम्भौतालिपा सन्दीप आइपीएल म्हितमिह न्हापांमह कासामि जुल । आ:तक नं सन्दीपबाहेक नेपा:या मेपिं क्रिकेटरतय् आइपीएलय् म्हितेगु ह्व:ता: चूमलानि ।

न्हापांगु संस्करणय् सन्दीप स्वंगु कासा जक म्हितेखन । व इलय् दिल्लीयाके सन्दीपयात दकलय् म्हो दामय् आबद्ध याना: नेपा:या क्रिकेटप्रेमीतय्गु समर्थन थ:गु पुच:यात चूलाकेगु स्वार्थ दुगु जुल । उकिं दिल्ली प्लेअफय् मथ्यनिगु समीकरण दय्धुका: जक सन्दीप दकलय् लिपाया स्वंगु कासाय् टिमय् लात । सन्दीप व ह्व:ता:यात बांलाक्क हे उपयोग यात । वयां लिपा ला सन्दीप ग्लोबल क्रिकेटर हे जुल । थ्व स्वैदय् सन्दीप फुक्क तंथंगु शीर्षटि-२० लिगय् त्व:मफीमह लेग स्पीनर जुइधुकल । सन्दीप आइपीएलय् जक मखु, वेस्ट इण्डिया क्यारेबिन प्रिमियर लिग, अफगानिस्तान प्रिमियर लिग, अस्ट्रेलियाया बिग ब्यास लिग, बङ्गलादेश प्रिमियर लिग, पाकिस्तान सुपर लिगय् नं निरन्तर म्हिताचवंगु दु । सन्दीपया टि-२० विकेट सचिच्छं अप्व: थ्यनेधुकल । सन्दीपया भा: छगू धेधेबल्ला: म्हितेत करौडौं तका थ्यनेधुकल । इङ्गल्याण्डय् जुइगु टि हन्ड्रेड क्रिकेटय् म्हितेत ओभल्सी इन्भेन्सिबल

टिमं सन्दीपयात छगू लाख पाउण्ड बिल । थ्व दां नेपा:या कासामितय्गु आ:तककया दकलय् त:धंगु अनुबन्धन ख: ।

आइपीएलया न्हापांगु सत्रय् सन्दीपया अनुभव मगाना: म्होजक म्हितेगु ह्व:ता: ब्यूगु ख:ला धका: थुइकेफइ । दच्छि न्ह्य: नं सन्दीप नियमित ११य् लाकेत सङ्घर्ष याय्माल । थुगुसि नं दिल्ली सन्दीपयात बेञ्चय् थाकात:गु दु । उकिं नेपा:या क्रिकेट समर्थकतय्गु तं सामाजिक सञ्जालय् यक्व खनेदयाचवंगु दु । सन्दीपयात म्हितेगु ह्व:ता: मब्यूसा दिल्लीयात समर्थन मयाय्गु ख्याचव: बियाचवंगु दु नेपा:या क्रिकेट समर्थकतय्सं । हलियां फुक्क धइथें टि-२० लिगय् मू कासामि ख: सन्दीप । अथेख:सां आइपीएलय् धा:सा सन्दीपयात छाय् म्होजक म्हितेगु ह्व:ता: चूलाइ ?

क्रिकेट विज्ञतय्गु धापू न्यनेगु ख:सा सन्दीप टिमय् मला:गु मू हुनिं दिल्ली पुचलय् भारतया ना:जापिं स्पीनरत दुगुलिं नं ख: । थुगुसि नं सन्दिपनापं अनुभवी लेग स्पीनर अमित मिश्रा, रविचन्द्रण आश्विन व अक्षर पटेल दिल्ली टिमय् दु । मिश्रा आइपीएलया दकलय् सफल बलर ख धा:सा आश्विन नं भारतया छम्ह नांजा:मह स्पीनर ख: । मिश्रा व आश्विनथें अक्षर नांजा:मह स्पीनर मखु । अथेख:सां अक्षरयाके ब्याटिङ याय्गु क्षमता नं दुगु जूगुलिं सन्दीपया म्हितेगु सम्भावना भन्न म्हो जुयाचवंगु ख: । भिंछम्हेसिगु टिमय् निम्ह अप्व: विशेषज्ञ स्पीनर म्हितेगु



अभ्यास मदु । अफ्र युएइया पिचय् फास्ट बलरतय्गु ग्वाहालि यानाचवंगुलिं नं सन्दीप टिमय् मलानाचवंगु ख: । अथे हे, आइपीएलय् छगू पुचल प्यम्ह स्वयां अप्व: विदेशी कासामित म्हितिके मदुगु नियम दु । व नियम नं सन्दीपयात म्हितेत पनाचवंगु दु । विदेशी कासामिया कोटाय् निम्ह फास्ट बलर कागिसो रबाडा व एनकि नोर्जे अले अलराउन्डर मार्कस स्टोइनिस् व ब्याट्सम्यान सिमरन हेटमायरयात दिल्ली न्हापाया निगू कासाय् थाय् ब्यूगु ख: ।

उकिं सन्दीप क्षमता मदया मखु, दिल्लीयाके अफ्र बांला:गु विकल्प दुगुलिं व टिम कम्बिनेसनं याना: आ:तक म्हितेगु ह्व:ता: चूमला:गु धा:सां पाइमखु ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटेरिङ पनि गरिन्छ ।

(क) व्यापारी त्यासा
(ख) हायरपर्वेज त्यासा
(ग) आवासीय त्यासा



(घ) शेयर त्यासा
(ङ) मुद्दी रसिद धितो त्यासा
(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछैं, पाको, न्हूसतक, यैं, नेपा:

फोन त्या: ४२३१०३६, ४२२२०६५, ४२१६१६७, फ्याक्स : ४२१६१६७

दक्षिण यलया स्याःचाः

न्यापांगु पेज

दक्षिणबासीं चलः चीकेत तारन्ताः कान्तिलोक पथ योजना, यलया प्रमुख जिल्ला अधिकारी लिसेंयात ध्यानआकर्षण याकल । तर, सुनां च्यूताः मन्बू । अति हे जुसेलि शुक्रबाः सांसद लिसेंया टोली योजनाय् डेलिगेसन हे वन । उमिसं योजना प्रमुखयात चलः मचीकूबलय् एम्बुलेन्स थुज्वःगु अत्यावश्यक सवारी ज्वलं ठप्प जूगु व विरामीया अकालय् हे सीगु सम्भावना अप्वःगु अले १० लाख ज्वलिंज्वःया दुरु सिति वंगु धासें ध्यानार्कषण याकल ।

सांसद चेतनाथ सज्जेल कान्तिलोक पथ विस्तार यानाः कालोपत्रे याय्त ठेक्कापट्टा जुइधुकूगु व योजनाया इन्जिनियरं याःगु इस्टिमेट कथं भुक्तानी दइगु कथं चलः चीकेगु जिम्मेवारी नं सम्बन्धित ठेकेदारया हे खःगु धयादिल । वय्कःया कथं लोक पथय् बर्खाय् जक मखसें हिउँदय् नं सुख्खा चलः वनेगु याः । ‘चलः चीकेत भट्टेडाँडा, भौक्रीडाडा व छपेलीइ यानाः स्वंगः स्काभेटर तयारी अवस्थाय् तयूमाः,’ वय्कलं धयादिल, ‘वागमती प्रदेश सरकारपाखें प्युटार-आश्राङ-गिम्दी सडक स्ट्रोन्गति याय्त थगुने ५० लाख व थुगुसी ५० लाख विनियोजित जूगु दु ।’

लोकपथया यल खण्ड अन्तर्गत बगुवानिसें टिकाभैरवतक्क सडक निर्माणया ठेक्का ०७५/०७६य् सुर्य/वाइबा जेभी निदैय् क्वचाय्केगु यानाः १४ करोड तकाय् ठेक्का चूलाकूगु खः । सुर्य/वाइबा जेभी भट्टेडाँडानिसें छपेली लिक्कया सडकया चलः चीकेधुकूगु दु । लोकपथया दक्कले आपाः चलः छपेली खण्डय् दु । सुर्य/वाइबा जेभीया सञ्चालक केदारनाथ तिमिल्सेनां योजनाया इन्जिनियरं लगत इस्टिमेट यानाब्यूसा तत्काल चलः चीकेगु न्ह्याकेगु धाल ।

कान्तिलोक पथ योजनाया इन्जिनियर दिपेश रजकया कथं छपेली क्षेत्रय् कमजोर भौतिक संरचना दु । ‘पहाडी भेगय् वा वयातुं च्वनी । छक्कः चीकेधुंकाः हाकनं व हे थासय् चलः कुतुवःसा दोहोरो खर्च जुइ,’ वय्कलं धयादिल, ‘अथेजुयाः छुं ईया लागिं पियागु खः ।’ वय्कलं डोजरया लागिं माःगु डिजेल

छ्वय्धुनागु धयादिलल ।

दक्षिणय् चलःया हुनिं ८१ खा छें जोखिमय् दु । दक्कले आपाः महौकाल गाउँपालिकाया बुखेल, दूलादुर्लुङ व चन्दनपुरय् यानाः ३५खा छें, कोन्ज्योसोम गाउँपालिकाया शंखु, दलचोकी व चौघरेय् यानाः २५ व बागमती गाउँपालिकाया इकुडोल, घुसेल, माल्टाया च्वय्या भागया यानाः २१ खा छें चलःया जोखिमय् दु । चलःया हुनिं गिम्दीया राज लोप्चन व बुद्ध रुम्बाया ११ परिवार विस्थापित जुल । वागमती गाउँपालिका-७ या वडाध्यक्ष नवराज सज्जेल विस्थापित परिवारयात जःलाखला बुँइ बाय् च्वनेगु व्यवस्था याय्धुनागु धयादिल । ‘चलः नियन्त्रण याय्त वागमती प्रदेशपाखें फ्याःगु १५ लाखपाखें ग्याबिड व तार जाली तया,’ वय्कलं धयादिल ।

लेले-चन्दनपुर सडक अन्तर्गत टुटुवा साङवास व दारपाया क्षेत्रय् नं चलः कुतुंवयाः लैं अवरुद्ध दु । थन स्थानीयबासी जोखिम फ्याः कच्ची चिब्यागु गोटिखेल-मानिखेल-बुखेल-दलचोकी सडक जुयाः चापागाउँ थ्यनेत बाध्य दु । वागमती खुसिया बाः आश्राङया लुकनी बेसीइ दुहांवइगु जोखिम नं उत्तिकं दु । सांसद नवराज सिलवालं खुसि बस्तीइ दुहां वय्के मबीत सिचाई मन्त्रालयपाखें छगू करोड बजेट व्यवस्था दुगु धयादिल । ‘घुसेलय् चलः रोकथाम याय्त २सः व ५० तारजाली व थाय्थासय् धःया व्यवस्था यानागु दु स्थानीय तहलिसेया समन्वयस चलःया जोखिमय् लाःगु छैयात सुरक्षित थासय् स्थानान्तरण याय्गु ज्या जुयाच्वंगु दु ।’ वय्कलं धयादिल ।

महौकाल गाउँपालिकाया अध्यक्ष रामचन्द्र दाहालं चलःया जोखिमय् लाःगु रातोमाटेया १२ छैया सामान ल्ह्यय्गु ज्या जुयाच्वंगु धयादिल ‘रातोमाटेय् तःधंगु चलः कुतुंवय्त्यंगु खनेदु,’ वय्कलं धयादिल, ‘पिडित परिवायात याकनं हे स्थानान्तरण याय् ।’ सडक अवरुद्ध जूबलय् किसान नं मर्काय् लाःगु दु ।

यल जिल्ला दुग्ध उत्पादक सहकारी संघया न्वकू कृष्ण बलया कथं कान्तिलोक पथ सडक जुयाः निहं ८द्वः लिटर दुरु शहर

थ्यंकः वनेगु याः । ‘सडक मचाःबलय् माल्टा, प्युटार, गिम्दी, आश्राङ लिसेंया यानाः ४५सः किसान मर्काय् लाःगु दु,’ वय्कलं धाल । तरकारी खेती याइपिं किसानतय् समस्या नं अथे हे दु । गिम्दीया शिवप्रसाद दाहालया कथं व्यवसायिक तरकारी खेती याइपिन्सं नं निहं २द्वः घाटा फ्याच्वंगु दु । भट्टेडाँडा, गिम्दी, आश्राङ, प्युटार, माल्टा, घुसेलपाखें सिजनय् निहं १० देखि १५द्वः किलो व अफसिजनय् ९द्वः किलोटक्क बजार वनी । लेले-चन्दनपुर सडक जुयाः गोटीखेल, शंखु, बुखेल, नल्लु, भारदेउ, चौघर, टुर्लादुर्लुङ, कालेश्वरं सिजनय् निहं ३०द्वः किलो व अफसिजनय् ९द्वः किलो तरकारी बजार वनी ।

बागमती गाउँपालिका प्रवक्ता विष्णु तिमल्सेनां चलखं अवरुद्ध सडक चाय्केत ६० लाख बजेट विनियोजित यानागु धयादिल । ‘कोभिड-१९ या हुनिं चलः नियन्त्रणया लागिं केन्द्र सरकारं फ्याःगु १ करोड व प्रदेशपाखें फ्याःगु ५० लाख मवःबलय् समस्या ज्यंकेत थाकूगु खः,’ वय्कःया धापू दु ।

गोदावरी नगरपालिका-१२ थेचोय् नं चलःया हुनिं स्वखा छें जोखिमय् दु । काठमाडौं उपत्यका नगर विकास प्राधिकरण जिल्ला आयुक्तया ज्याकू यलया स्वीकृति विना लालाःथे याःगु प्लटिडया हुनिं बस्ती जोखिमय् लाःगु खः । थ्व बारेय् स्थानीय थगुने गोदावरी नगरपालिकाय् उजुरी बिल । न्यायिक समितिइ सहलह जुल । प्लटिड सञ्चालक जितन कार्की व स्थानीय दिपक केसी दथुइ चलः रोकथाम याय्त २०७६य् वाल तय्गु सहमती जुल । तर, समितिया दंछि बीधुकलं नं वाल तय्त न कार्की पहल यात न त कारबाही याय्त गोदावरी नगरपालिकाया उपमेयर मुना अधिकारीं हे । ठेकेदार कार्की आःयात प्लाष्टिक तय्धुनागु व छुं दिनं हे वाल दय्केज्या न्ह्याकेगु धयादिल । यलया प्रमुख जिल्ला अधिकारी नारायण प्रसाद भट्टं बस्ती हे जोखिमय् लाःगुलिं अध्ययन याय्त तत्काल प्राविधिक टोली खटे याय्गु तयारी जुयाच्वंगु धयादिल ।

संघीय सांसद श्रेष्ठपाखें शुक्रराज ट्रपिकल सरुवा अस्पतालया अनुगमन

यें । संघीय संसद, शिक्षा तथा स्वास्थ्य समिति अन्तर्गत कोभिड-१९या सम्बन्धय् सरकारं याःगु ज्याखँया अनुगमन याय्त सांसद जीवनराम श्रेष्ठया संयोजकत्वय् नीस्वंगु उपसमितिपाखें शुक्रराज ट्रपिकल सरुवा अस्पताल, टेकूया अनुगमन याःगु दु ।

थीथी मिडिया व पत्रपत्रिकाय् उगु अस्पतालय् पिसिआर परीक्षणया निती अनियन्त्रितकथं सर्वसाधारणया भीड जुयाः भन् संक्रमणया जोखिम अप्वयावंगु बुखें

वय्वं उपसमितिपाखें उगु अस्पतालया अनुगमन याःगु खः । उगु खँय् अस्पतालय् कोभिड-१९या संक्रमितपिनिगु वासः जुयाच्वंगु आइसियुया निरीक्षण व सेवायात कयाः जानकारी काय्गु ज्या नं जूगु खः ।

उपसमितिया संयोजक सांसद श्रेष्ठ अस्पतालय् खनेदुगु अब्यवस्थित भीड ब्यवस्थापनया निती ध्यानाकर्षण याकादिसें आवश्यकताया लिधंसाय् परीक्षण याय्त व न्हियांन्हिथंया परीक्षण याय्माःगु ल्याः

अप्वयावंगु खःसा व हे कथं मेमेगु ल्याबय् परीक्षण याकेगु व्यवस्था मिलय् याय्त ध्यान बीमाःगु खँ न्ह्यथनादिल ।

उपसमितििया संयोजक माननीय जीवनराम श्रेष्ठ, मा. तिलबहादुर महत क्षेत्री, मा. अन्नजना बिशंखे, मा. सरिता न्यौपाने, उपसमितििया शाखा अधिकृत अमित कुमार यादव, सचिवालयया कर्मचारी नारायण बस्नेत यानाः मुक्कं खुम्हेसिगु पुचलं स्थलगत अनुगमन याःगु खः ।

स्वस्थ पत्रकारिताको विकास स्वतन्त्र र हक अधिकारको जगेर्ना, राष्ट्रिय सर्वमान्य प्रचलन र मान्यतालाई समायोजन गर्दै अगाडि बढ्नु आजको अपरिहार्य आवश्यकता हो ।



नेपाल सरकार
सञ्चार तथा सूचना प्रविधि मन्त्रालय
सूचना तथा प्रसारण विभाग

कोरोना संक्रमणया दर थहां वनाच्चन

न्यापांगु पेज

अथे हे, यल जिल्लाया मेगु स्थानीय तह महालक्ष्मी नगरपालिकाया मेयर रामेश्वर श्रेष्ठयात नं कोरोना संक्रमण जूगु खः । वय्कःया यलया किस्ट अस्पतालय् आइसोलेसनय् च्वनादीगु धाःगु दु । यँया न्यापांगु व दक्कले तःधंगु महानगरपालिकाया यँ महानगरपालिकाया मेयर विद्यासुन्दर शाक्य नं कोरोना संक्रमण संक्रमित जुइधुकल । वय्कःयात वंगु भदौ १५ गते संक्रमण पुष्टि जूगु खः । थः जहानयात ज्वर वयाः चेकअप याकेगु इवल्य् पिसिआर परीक्षण नं याःबलय् थःगु नं परीक्षण याःम्ह शाक्यया रिपोर्ट पोर्जेटिभ वःगु खः । बरु ज्वर वःम्ह वय्कःया जहानया धाःसा रिपोर्ट नेगेटिभ वःगु खः । शुरुइ छैय् हे आइसोलेसनय् च्वनादीम्ह वय्कः लिपा होटल सोल्टीइ च्वनादीगु खः । आः वय्कःया रिपोर्ट नेगेटिभ वय्धुकूगु दु ।

कोरोना संक्रमण स्थानीय तहतक्क जक मखु, प्रदेश व संघीय सरकार तहतक्क हे थ्यनेधुकल । काग्रेस महामन्त्री शशांक कोईराला नं कोरोनापाखें संक्रमित जूगु दुसा नेमकिपापाखें संघीय सांसद प्रेम सुवाल नं संक्रमित जुयाः आः लने नं धुकूगु अवस्था दु । अथे हे वंगु आइतभाः नेपाली काग्रेसया सांसद उमेश श्रेष्ठया कोरोना परीक्षणया रिपोर्ट नं पोर्जेटिभ वःगु दु । गण्डकी प्रदेशसभा अन्तर्गत विधायन समितिया सभापति नेकपा सांसद मोहन रेग्मीयात नं कोरोना संक्रमण जुइधुकल । वय्कःयात वंगु भदौ १८ गते संक्रमण पुष्टि जूगु खः । उच्च पदस्थ व्यक्तीपिं, सांसद आदिया लिसें अप्वः थासय् स्थानीय स्तरय् संक्रमण

धमाधम खनेदयावःगु बांलाःगु वा भिंगु छुमा मखु । शुकिं भौ अभ् अप्वः सतक जुइमाल धकाः धयाच्वंगु खः । आम सर्वसाधारण थः हे सचेत मजुइकं संक्रमण नियन्त्रण याय् सम्भव मदु धाःसां ज्यू । छुं दिं न्ह्यः तिति सरकारं २५ हजार सक्रिय संक्रमित पुल कि हाकनं लकडाउन याय् माःगु स्थिती वइ धकाः नवाःगु दु । खतुं थ्व अनिशिचत खँ खः । गबले गुलि संक्रमित थहांवनी, व नियन्त्रण हे शुरु जुइला धइगु खँ भविष्यवाणी हे जुइफइगु खँ ला मखु । थौंकन्हय् निहं द्रःछि स्वयां च्वय्या ल्याखं संक्रमित थहांवनाच्वंगु दु । छगू ल्याखय् संक्रमित अप्वयाच्वंगु दुसा छगू ल्याख संक्रमित लंकाः छैय् लिहांवनाच्वंगु दु । व ल्याखं न्हियांन्हिथं संक्रमितया ल्याः थहांवनेगुया नापं कुहां नं वयाच्वंगु जुल । वंगु आश्विन २ गतेया दिनय् सक्रिय संक्रमितया ल्याः १७ हजार ३८३ थ्यंगु खः । वयां लिपा गबलें न्दूपिं संक्रमितया ल्याः अप्वः सा गबलें लंकाः डिस्चार्ज जूपिनिगु ल्याः अप्वः जुजुं ७ गतेया दिनय् वयाः १७ हजार ४१४ थ्यन । अथे हे ८ गते वनाः १८ हजार ४३७ थ्यन । व हे कथं वंगु शनिबाः १० गतेयागु सक्रिय संक्रमित ल्याः १८ हजार ३४१ खः । करीब भिन्हुया दुने ९सः व ५८म्ह सक्रिय संक्रमित अप्वःगु खनेदत । व ल्याखं तुरन्त हे सक्रिय संक्रमितया ल्याः २५ हजार पुलीगु जुल ला धकाः आत्ते चाय्माःगु अवस्थानं मदु । तर थ्व हे ल्याखं संक्रमण अप्वयाच्चन धाःसा मजुइ नं मधाय् फइमखु । सकलें सचेत जुयाः, फक्क स्वास्थ्य मापदण्डयात लिनाः दैनिक जीवन न्ह्याकेगुया विकल्प मदु ।

प्रेस काउन्सिलया कार्यवाहक अध्यक्षय् बुढाथोकी



यें । प्रेस काउन्सिल नेपालया कार्यवाहक अध्यक्षय् गोपाल बुढाथोकीयात सर्वसम्मतिं ल्यःगु दु । कार्यवाहक नायः किशोर श्रेष्ठ थःगु पदपाखें राजीनामा बीधुंकाः बोर्डया मुँज्यां प्रेस काउन्सिल ऐन २०४८, बैठक सञ्चालनसम्बन्धी, २०७१, सर्वोच्च अदालतया आदेश व न्याया नजीरया लिधंसाय् बुढाथोकीयात अध्यक्षय् ल्यःगु खः । वंगु शुक्रवाः असोज ९ गते प्रेस काउन्सिलया नेपालया कार्यवाहक नायः किशोर श्रेष्ठ काउन्सिलया स्वायत्तताया रक्षा व निरन्तरताया निती प्रेस काउन्सिल बोर्डया मुँज्याय् राजीनामा पौ लःल्हानादीगु खः ।

यैँ महानगरया स्वीनिगुलिं वडाया राजस्व अनलाइनपाखें

यैँ महानगरपालिकापाखें विद्युतीय प्रणालीपाखें राजस्व निर्धारण व संकलन याय्गु ज्या न्ह्याक्कु दु ।

राजस्व विभागया निर्देशक शिवराज अधिकारी असोज १ गतेनिसें अनलाइन सेवा न्ह्याकागु जानकारी बियादिसें शुरुया भिन्छन्हुं हे च्यासः व न्यय्मह करदातापाखें छगू करोड ख्वीगू लखतका राजस्व महःगु जानकारी बियादिल । वय्कल असोज १३ गतेनिसें स्वीनिगुलिं वडापाखें सेवा शुरु याय्गु न जानकारी बियादिल ।

अथे हे, यैँ महानगरपालिकाया प्रमुख प्रशासकीय अधिकृत एकनारायण अर्याल न विद्युतीय प्रणालीपाखें राजस्व म्हाय्गु ज्या शुरुवात याय्वं सकारात्मक प्रतिक्रिया वःगु धयादिल । आर्थिक वर्ष २०७७/७८या नीति व ज्याइवल्य हे यैँ महानगरपालिका म्हाय्गु कर, सेवा शुल्क व जरिवाना बैकिङ व विद्युतीय प्रणालीपाखें याय्गु न्हयथनागु खँ



धयादिसें प्रमुख प्रशासकीय अधिकृत अर्याल कोभिड-१९या महामारीया दथुइ थुगु प्रणालीया विकास यानाः सकारात्मक ज्या शुरुवात यानागु धयादिल । अनलाइनपाखें राजस्व भुक्तानीया शुरुवातया नापनाप वडाया सेवाग्राही भीड म्हा जुइगु व सेवा न प्रभावकारी जुइगु अर्यालया विश्वास दु ।

थ्व हे इवल्य फुक्ककथंया कर, राजस्व, दस्तुर व शुल्क भुक्तानी याय्गु व थःमहेस्या भुक्तानी यानागु धेवाया रसिद काय्गु छु छु याय्माः धइगु डेमो छुं दिनय हे सार्वजनिक याय्गु तयारी यैँ महानगरपालिका यानाच्वंगु दु । थुकिं यानाः करदातापिन्त अभ सहज जुइगु विश्वास महानगरपालिका काःगु दु ।

Specialized in Nepalese, Nepali and Tibetan Metal Crafts

T : 977-1-5531282 Res / 5251373 Workshop
M : 9841209586 / 9843516111
E : onmetal@live.com
W : www.onmetalart.com
www.facebook.com/onmetal
Hattiban, Bhopakhe-1, Lalitpur, Nepal

The Group of Traditional Repousse Art

Traditional Art, Repousse Craft, Metal Work

T : +977-1-5263858
M : +977-9841261160
E : rajendra@imageatelier.com
imageatelier@gmail.com
W : www.imageatelier.com
Imadol-6, Lalitpur, Nepal

Traditional Metal Arts & Crafts

T : +977-01-5922772
M : +977-9841261161
E : rajendra@creativevenepalcraft.com
creative@gmail.com
W : www.creativevenepalcraft.com
Harsiddhi, Sitauli, Lalitpur, Nepal

नेपाल टेलिकम GSM सेवाको आकर्षक DATA / VOICE प्याकेज खरिद गर्नको लागि

*1415#

डायल गर्नुहोस् ।

राष्ट्रको सञ्चार



www.ntc.net.np



twitter.com/ndcl_nt



facebook.com/NepalTelecom.NT



Instagram.com/nepaltelecomofficial



छत्रपाटी निःशुल्क चिकित्सालय
२०१३

उपलब्ध सेवा

२४ सै घन्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वासः पसः
- अन्तरंगा सेवा

शल्यक्रिया

- मोतिबिन्दु
- जनरल सर्जरी
- नहायपं, नहाय, गपः
- हाड जोर्नी नशा
- पिसाव नलीया पल्थर बिना चिरफार

बहिरङ्ग सेवा

- मुटु ल्वय
- प्वाःया ल्वय
- युरोलोजी
- गिसा ल्वय
- मचा ल्वय
- वाया ल्वय
- गिसा ल्वय

अन्य सेवा

- जेसिङ्ग
- ईण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, कलर डप्लर व इको
- युरोपेली स्तरया दन्त प्रयोगशाला



**२४ घण्टा
ईमरजेन्सी सेवा**

७०८ गंगालाल मार्ग, छत्रपाटी, काठमाडौं, फोन : ४२९६९३८, ४२५७९९९, ४२६६२२९, E-mail: cfclinic@mail.com.np, www.free-clinic.org.np